

Arkiv: FA-U01
JournalpostID: <jplD> 20/20061
Saksbehandlar:
Dato: 18.04.2020

Saksframlegg

Saksnr.	Utvalg	Møtedato
026/20	Utval for næringsutvikling og drift	29.04.2020

Søknad til næringsfondet - Asfaltpartner AS. Vekststrategi

Rådmannen sitt framlegg til vedtak:

Prosjektet «Vekststrategi» blir tildelt kr 200 000 frå Næringsfondet i 2020.

Utval for næringsutvikling og drift 29.04.2020:

Behandling:

Saka vart handsama for "lukka dører". (Offl. 13.1)

Utvalet vedtok samrøystes rådmannen sitt framlegg.

ND- 026/20 Vedtak:

Prosjektet «Vekststrategi» blir tildelt kr 200 000 frå Næringsfondet i 2020.

Politisk handsaming

Saka skal avgjerast i utval for Næringsutvikling og drift.

Bakgrunn

Asfaltpartner AS er ein aktør innan reparasjonar av asfalt i Vestland fylke. Forretningsideen baserer seg på ny, utanlandsk teknologi. Asfalthol og sprekkar blir reparert ved at ny og gammal asfalt sveisast for eit varig resultat.

Selskapet har i vinter etablert ein vekststrategi for selskapet som inneber ei satsing mot ein større marknad, etablering av eit asfaltdeponi i Knarvik og ein plan for vekst, med eit strategiarbeid til grunn. Fokusområde er nye marknader som offentleg næring, burettslag og kundar i distriktet. Heimeside og profilering på sosiale medier er under utarbeiding. Verksemda opplyser om at omsetningstala så langt i år er dobbelt så høg som for tilsvarande periode i fjor.

Saksopplysninger:

Om prosjektet

Prosjektet er eit utviklingsprosjekt for verksemda, som vil sikre nye arbeidsplassar i Knarvik og bidra til ein meir grøn, berekraftig og sirkulærøkonomisk riktig forretningsmodell. Ein vekststrategi inneber investeringar i eit nytt kjøretøy og sveiseutstyr for denne type

asfalteringsteknologi. Verksemda meiner at ei slik investering vil medføre ein sysselsettingsauke.

Prosjektet legg opp til at det med ny teknologi blir sikra at overskotsmasse frå andre asfalteringsjobbar kan utnyttast ved å omgjera til «asfaltbaran», deponerast lokalt og nyttast via Asfaltpartner sitt mobile asfaltverk.

Prosjektmål:

Prosjektet er tredelt, der alt handlar om å styrke verksemda si drift med betre marknadsføring, vekst ved hjelp av nyinvesteringar og rimeleg, «grøn» asfalt gjennom etablering av eit asfaltdepot som utnyttar asfalten som elles hadde blitt frakta bort.

1. Etablere 2 nye stillingar
 - a. Etablere depot for restasfalt i Alver
 - b. Inngå avtalar om dumping av restasfalt ved verksemda sitt depot
 - c. Prototyping av nytt produksjonsanlegg for asfaltbarar
 - d. Innkjøp av utstyr og etablering av lagerløyising
1. Generere arbeidsoppgåver til KIM
2. Reduserte CO2-utslepp og rapportering av CO2-avtrykk for kvar jobb
3. På sikt er målet å etablere fleire avdelingar i Noreg

Vurdering

- Dette prosjektet fell innanfor dei godkjende vedtektene for Næringsfondet.
- Prosjektet stimulerer til ei berekraftig næringsutvikling med ny og «grøn» teknologisk utvikling, og kan gje vekst i eksisterande verksemd og arbeidsplassutvikling i Alver.
- Prosjektet fell innunder ønskja vekst i etablerte SMB-verksemdar i Alver, og legg også opp til samarbeid med andre instansar i kommunen.
- Før sluttutbetaling må det leggjast fram dokumentasjon på auka arbeidsplassar.

Vedlegg i saken:

18.04.2020	Asfaltpartner AS. Vekststrategi	1374441
22.04.2020	Asfaltpartner AS - Soeknad til Næringsfondet (L)(68416)	1376081